



RIALACHÁN CUR CHUN FEIDHME (AE) 2025/355 ÓN gCOIMISIÚN

an 21 Feabhra 2025

lena leasaítear Rialachán Cur Chun Feidhme (AE) 2022/2389 a mhéid a bhaineann le rátaí minicíochta a bhunú le haghaidh seiceálacha céannachta agus seiceálacha fisiceacha ar choinsíneachtaí plandaí, táirgí plandaí agus réad eile a thagann isteach san Aontas

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2017/625 ó Pharlaimint na hEorpa agus ón gComhairle an 15 Márta 2017 maidir le rialuithe oifigiúla agus gníomhaíochtaí oifigiúla eile arna ndéanamh lena áirithiú go gcuirtear i bhfeidhm dlí an bhia agus na beatha, rialacha maidir le sláinte agus leas ainmhithe, sláinte plandaí agus táirgí cosanta plandaí, lena leasaítear Rialachán (CE) Uimh. 999/2001, (CE) Uimh. 396/2005, (CE) Uimh. 1069/2009, (CE) Uimh. 1107/2009, (AE) Uimh. 1151/2012, (AE) Uimh. 652/2014, (AE) 2016/429 agus (AE) 2016/2031 ó Pharlaimint na hEorpa agus ón gComhairle, Rialachán (CE) Uimh. 1/2005 agus Rialachán (CE) Uimh. 1099/2009 ón gComhairle agus Treoracha 98/58/CE, 1999/74/CE, 2007/43/CE, 2008/119/CE agus 2008/120/CE ón gComhairle agus lenan-aisghairtear Rialachán (CE) Uimh. 854/2004 ó Pharlaimint na hEorpa agus ón gComhairle, agus Rialachán (CE) Uimh. 882/2004 ó Pharlaimint na hEorpa agus ón gComhairle, Treoracha 89/608/CEE, 89/662/CEE, 90/425/CEE, 91/496/CEE, 96/23/CE, 96/93/CE agus 97/78/CE agus Cinneadh 92/438/CEE ón gComhairle (Rialachán maidir le Rialuithe Oifigiúla) ⁽¹⁾, agus go háirithe pointí (a) agus (c) den chéad fhomhír d'Airteagal 54(3) de,

De bharr an mhéid seo a leanas:

- (1) Le Rialachán Cur Chun Feidhme (AE) 2022/2389 ón gCoimisiún ⁽²⁾, bunaítear rialacha maidir le cur i bhfeidhm aonfhoirmeach rátaí minicíochta le haghaidh seiceálacha céannachta agus seiceálacha fisiceacha ar choinsíneachtaí plandaí, táirgí plandaí agus réad eile dá dtagraítear in Airteagal 47(1), pointe (c), de Rialachán (AE) 2017/625 a thagann isteach san Aontas agus atá faoi réir rialuithe oifigiúla ag poist rialaithe teorann an chéad teacht isteach san Aontas. Le hIarscríbhinn I a ghabhann le Rialachán Cur Chun Feidhme (AE) 2022/2389 leagtar amach an liosta plandaí, táirgí plandaí agus réad eile atá faoi réir seiceálacha céannachta agus seiceálacha fisiceacha ag rátaí minicíochta áirithe.
- (2) I gcomhréir le hAirteagal 4(4) de Rialachán Cur Chun Feidhme (AE) 2022/2389, aon phlanda, táirge planda nó réad eile atá faoi réir bearta dá bhforáiltear i ngníomhartha arna nglacadh i gcomhréir le hAirteagail 28(1), 30(1) agus 49(1) de Rialachán (AE) 2016/2031 ó Pharlaimint na hEorpa agus ón gComhairle ⁽³⁾, níl sé faoi réir na rátaí minicíochta laghdaithe dá dtagraítear i mír 3; dá bhrí sin, tá sé faoi réir ráta minicíochta 100 % le haghaidh seiceálacha céannachta agus seiceálacha fisiceacha ar theacht isteach san Aontas dó.
- (3) Leagtar amach go minic sna gníomhartha sin, *inter alia*, bearta nach gcuireann allmhairiú plandaí faoi réir ceanglas sonracha ach nach bhforchuireann ach ceanglais a bhaineann le plandaí atá lonnaithe laistigh de chríoch an Aontais, amháil suirbhéanna ar phlandaí óstacha lotnaidí sonracha. Mar is léir ón taithí a fuarthas le cur i bhfeidhm Rialachán Cur Chun Feidhme (AE) 2022/2389, ní iomchuí ráta minicíochta 100 % a chur i bhfeidhm go córasach maidir le hallmhairiú na bplandaí sin isteach san Aontas, nuair nach bhfuil a dtabhairt isteach i gcríoch an Aontais faoi réir aon cheanglas sonracha de bhun na ngníomhartha sin.

⁽¹⁾ IO L 95, 7.4.2017, lch. 1; ELI: <http://data.europa.eu/eli/reg/2017/625/oj>.

⁽²⁾ Rialachán Cur Chun Feidhme (AE) 2022/2389 ón gCoimisiún an 7 Nollaig 2022 lena mbunaítear rialacha maidir le cur i bhfeidhm aonfhoirmeach rátaí minicíochta le haghaidh seiceálacha céannachta agus seiceálacha fisiceacha ar choinsíneachtaí plandaí, táirgí plandaí agus réad eile a thagann isteach san Aontas (IO L 316, 08/12/2022, lch. 42, ELI: http://data.europa.eu/eli/reg_impl/2022/2389/oj).

⁽³⁾ Rialachán (AE) 2016/2031 ó Pharlaimint na hEorpa agus ón gComhairle an 26 Deireadh Fómhair 2016 maidir le bearta cosantacha i gcoinne lotnaidí plandaí, lena leasaítear Rialachán (AE) Uimh. 228/2013, (AE) Uimh. 652/2014 agus (AE) Uimh. 1143/2014 ó Pharlaimint na hEorpa agus ón gComhairle agus lenan-aisghairtear Treoracha 69/464/CEE, 74/647/CEE, 93/85/CEE, 98/57/CE, 2000/29/CE, 2006/91/CE agus 2007/33/CE ón gComhairle (IO L 317, 23.11.2016, lch. 4, ELI: <http://data.europa.eu/eli/reg/2016/2031/oj>).

- (4) Dá bhrí sin, ar mhaithe le soiléireacht dhlíthiúil, is iomchuí Airteagal 4(4) de Rialachán Cur Chun Feidhme (AE) 2022/2389 a leasú ionas nach mbeidh feidhm ag na rátaí minicíochta laghdaithe le haghaidh seiceálacha céannachta agus seiceálacha fisiceacha maidir le plandaí, táirgí plandaí agus réada eile atá faoi réir bearta sonracha a bhaineann lena dtabhairt isteach san Aontas, dá bhforáiltear i ngníomhartha arna nglacadh i gcomhréir le hAirteagal 28(1), 30(1) agus 49(1) de Rialachán (AE) 2016/2031.
- (5) I gcomhréir le hAirteagal 6(1) de Rialachán Cur Chun Feidhme (AE) 2022/2389, tá na rátaí minicíochta a leagtar amach in Iarscríbhinn I a ghabhann leis an Rialachán Cur Chun Feidhme sin le modhnú ag féachaint do na critéir a leagtar amach i bpointí (i), (ii), (iv), (v) agus (vi) d'Airteagal 54(3), pointe (a), de Rialachán (AE) 2017/625, do na critéir a leagtar amach in Iarscríbhinn II agus, i gcás inarb iomchuí, ag féachaint don fhaisnéis a leagtar amach in Iarscríbhinn III a ghabhann leis an Rialachán Cur Chun Feidhme sin. I gcomhréir le hAirteagal 6(2) den Rialachán Cur Chun Feidhme sin, déanfar na rátaí minicíochta le haghaidh seiceálacha céannachta agus seiceálacha fisiceacha ar phlandaí, táirgí plandaí agus réada eile, nó catagóirí díobh, a athbhreithniú ar bhonn bliantúil ar a laghad, chun faisnéis nua a bhaileofar trí CBFRO nó a sholáthróidh na Ballstáit a chur san áireamh, agus déanfar iad a mhodhnú dá réir.
- (6) Bhunaigh an Coimisiún meitheal saineolaithe a scrúdaigh allmhairiú plandaí, táirgí plandaí agus réad eile dá dtagraítear in Airteagal 47(1), pointe (c), de Rialachán (AE) 2017/625 in 2022, 2023 agus 2024, ar nithe iad atá faoi réir rialuithe oifigiúla ag poist rialaithe teorann an chéad teacht isteach san Aontas. Ar bhonn na gcrítéir dá dtagraítear in Airteagal 6(1) de Rialachán Cur Chun Feidhme (AE) 2022/2389, thug an meitheal le fios íosrátaí minicíochta na seiceálacha céannachta agus na seiceálacha fisiceacha a mheas sí a bheith iomchuí le haghaidh plandaí, táirgí plandaí agus réada áirithe eile ó thríú tíortha tionscnaimh áirithe.
- (7) Úsáideadh modh a bhí bunaithe ar riosca agus ar staidreamh agus cuireadh sraith athróg san áireamh, lena-áirítear: innéacs soghluaisteachta measta na lotnaidí coraintín de chuid an Aontais ag an gcéim is soghluaiste a fhéadfaidís a bhaint amach ar na plandaí ábhartha, na táirgí plandaí ábhartha nó réada ábhartha eile, nó catagóirí díobh; líon na gcoinsíneachtaí plandaí, táirgí plandaí agus réad eile, nó catagóirí díobh, a ndearnadh seiceálacha céannachta agus seiceálacha fisiceacha orthu le linn na bliana roimhe sin; maidir le coinsíneachtaí a allmhairíodh de bhun Rialachán Cur Chun Feidhme (AE) 2022/2389, líon iomlán na neamhchomhlíontachtaí mar gheall ar lotnaidí coraintín de chuid an Aontais a bheith ann, agus sonraí na neamhchomhlíontachtaí sin; líon iomlán na gcoinsíneachtaí earraí lena mbaineann ar tugadh fógra fúthu ar chúiseanna seachas lotnaidí coraintín de chuid an Aontais a bheith iontu, agus na sonraí a bhaineann leis sin; agus aon ghné ábhartha eile chun an riosca fiteashláintíochta a bhaineann leis an trádáil lena mbaineann a chinneadh.
- (8) Go háirithe, agus de bharr líon níos lú idircheaptha coinsíneachtaí dá ndéanann lotnaidí coraintín de chuid an Aontais difear go príomha, ba cheart íosrátaí minicíochta na seiceálacha céannachta agus fisiceacha a laghdú le haghaidh bláthanna gearrtha ó *Dianthus* agus *Gypsophila* ó Ecuadór, *Gypsophila* ón gCéinia, torthaí ó *Malus*, *Prunus* agus *Pyrus* ó thríú tíortha Eorpacha, *Citrus* ón Eigipt agus Iosrael, *Citrus* agus *Prunus* ón Tuirc, *Pyrus* ón tSín, glasraí ó *Solanum lycopersicum* ó na hOileáin Chanáracha agus innealra athlámhe ó gach tríú tír.
- (9) Thairis sin, chun a áirithiú go ndéanfar líon íosta seiceálacha céannachta agus seiceálacha fisiceacha i ngach cás, d'ainneoin líon níos lú coinsíneachtaí allmhairithe, i gcás torthaí *Citrus* de thionscnamh Mharacó agus na Stát Aontaithe, *Malus* de thionscnamh na hAirgintíne agus an Nua-Shéalainn, agus *Prunus* agus *Vaccinium* ón tSile, ba cheart íosrátaí minicíochta ábhartha na seiceálacha céannachta agus seiceálacha fisiceacha a mhéadú.
- (10) Ba cheart íosrátaí minicíochta na seiceálacha céannachta agus fisiceacha a mhéadú de thoradh idircheapadh coinsíneachtaí dá ndéanann lotnaidí coraintín de chuid an Aontais difear i gcás bláthanna gearrtha de *Aster* ón tSiombáib, *Rosa* ón tSaimbia, torthaí ó *Fragaria* ón Eigipt, *Persea americana* ó Chamarún, agus fréamhacha agus tiúbairíní ó *Curcuma longa* ón Téalainn.
- (11) I bhfianaise an mhéid sin thuas, measann an Coimisiún gur cheart na rátaí minicíochta le haghaidh seiceálacha céannachta agus seiceálacha fisiceacha a leagtar amach in Iarscríbhinn I a ghabhann le Rialachán Cur Chun Feidhme (AE) 2022/2389 a mhodhnú.
- (12) Ar mhaithe le soiléireacht, is iomchuí Iarscríbhinn I a ghabhann le Rialachán Cur Chun Feidhme (AE) 2022/2389 a ionadú.

- (13) Chun am leordhóthanach a thabhairt do na húdaráis inniúla iad féin a oiriúnú do na rátaí minicíochta nua, ba cheart feidhm a bheith ag an Rialachán seo ón 1 Márta 2025.
- (14) Tá na bearta dá bhforáiltear sa Rialachán seo i gcomhréir leis an tuairim ón mBuanchoiste um Plandaí, Ainmhithe, Bia agus Beatha,

TAR ÉIS AN RIALACHÁN SEO A GHLACADH:

Airteagal 1

Leasú ar Rialachán Cur Chun Feidhme (AE) 2022/2389

Leasaítear Rialachán Cur Chun Feidhme (AE) 2022/2389 mar a leanas:

- (a) Cuirtear an méid seo a leanas in ionad Airteagal 4(4):
- ‘4. Ní bheidh feidhm ag na rátaí minicíochta de réir mhír 3 maidir leis na rudaí seo a leanas:
- (a) plandaí atá le cur;
- (b) aon phlanda, táirge planda nó réad eile atá faoi réir beart maidir lena thabhairt isteach san Aontas, dá bhforáiltear i ngníomhartha arna nglacadh i gcomhréir le hAirteagal 28(1), Airteagal 30(1) agus Airteagal 49(1) de Rialachán (AE) 2016/2031.’
- (b) Cuirtear an téacs a leagtar amach san Iarscríbhinn a ghabhann leis an Rialachán seo in ionad Iarscríbhinn I.

Airteagal 2

Teacht i bhfeidhm agus cur i bhfeidhm

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm aige ón 1 Márta 2025.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, an 21 Feabhra 2025.

Thar ceann an Choimisiúin
An tUachtarán
Ursula VON DER LEYEN

IARSCRÍBHINN

"IARSCRÍBHINN I

Rátaí minicíochta seiceálacha céannachta agus seiceálacha fisiceacha ar choinsíneachtaí de phlandaí áirithe, de tháirgí plandaí áirithe agus de réada áirithe eile, nó catagóirí díobh, dá dtagraítear in Airteagal 4(3):

Planda, táirge plandaí nó réad eile, nó catagóir díobh	An tír thionscnaimh	Íosráta minicíochta na seiceálacha céannachta agus fisiceacha (%)
Bláthanna gearrtha		
<i>Dianthus</i>	An Cholóim	3
<i>Dianthus</i>	Eacuadór	10
<i>Dianthus</i>	An Chéinia	5
<i>Dianthus</i>	An Tuirc	25
<i>Gypsophila</i>	Eacuadór	3
<i>Gypsophila</i>	An Chéinia	5
<i>Phoenix</i>	Cósta Ríce	50
<i>Rosa</i>	An Cholóim	3
<i>Rosa</i>	Eacuadór	1
<i>Rosa</i>	An Aetóip	25
<i>Rosa</i>	An Chéinia	25
Torthaí		
<i>Actinidia</i>	Gach tríú tír	10
<i>Carica papaya</i>	Gach tríú tír	10
<i>Fragaria</i>	Gach tríú tír ⁽¹⁾	5
<i>Persea americana</i>	Gach tríú tír ⁽²⁾	1
<i>Rubus</i>	Gach tríú tír	5
<i>Vitis</i>	Gach tríú tír	1
<i>Malus</i>	Tríú tíortha Eorpacha ⁽³⁾	10
<i>Prunus</i>	Tríú tíortha Eorpacha ⁽³⁾ ⁽⁴⁾	3
<i>Pyrus</i>	Tríú tíortha Eorpacha ⁽³⁾	10
<i>Vaccinium</i>	Tríú tíortha Eorpacha ⁽³⁾	50
<i>Citreas</i>	An Éigipt	50
<i>Citreas</i>	Iosrael	25
<i>Citreas</i>	Meicsiceo	25
<i>Citreas</i>	Maracó	5
<i>Citreas</i>	Peiriú	10
<i>Citreas</i>	An Tuirc	5
<i>Citreas</i>	Stáit Aontaithe Mheiriceá	75
<i>Malus</i>	An Airgintín	75

Planda, táirge plandaí nó réad eile, nó catagóir díobh	An tír thionscnaimh	Íosráta minicíochta na seiceálacha céannachta agus fisiceacha (%)
<i>Malus</i>	An tSile	5
<i>Malus</i>	An Nua-Shéalainn	15
<i>Malus</i>	An Afraic Theas	15
<i>Mangifera</i>	An Bhrasaíl	75
<i>Passiflora</i>	An Cholóim	5
<i>Passiflora</i>	La Réunion	10
<i>Passiflora</i>	An Afraic Theas	75
<i>Passiflora</i>	Vítneam	15
<i>Prunus</i>	An tSile	25
<i>Prunus</i>	An Afraic Theas	10
<i>Prunus</i>	An Tuirc	25
<i>Pyrus</i>	An Airgintín	25
<i>Pyrus</i>	An tSile	15
<i>Pyrus</i>	An tSín	50
<i>Pyrus</i>	An Afraic Theas	10
<i>Vaccinium</i>	An Airgintín	50
<i>Vaccinium</i>	An tSile	15
<i>Vaccinium</i>	Peiriú	5

Glasraí

<i>Solanum lycopersicum</i>	Na hOileáin Chanáracha	15
<i>Solanum lycopersicum</i>	Maracó	1
Glasraí fréimhe agus tiúbairín, seachas tiúbair de <i>Solanum tuberosum</i> L. ⁽⁵⁾ ⁽⁶⁾	Gach tríú tír ⁽²⁾	5
Fréamhacha agus tiúbairíní <i>Curcuma longa</i>	An Téalainn	35

Innealra athláimhe

Innealra agus feithiclí a úsáideadh chun críoch talmhaíochta nó foraoiseachta	Gach tríú tír	5
---	---------------	---

⁽¹⁾ Seachas an Éigipt.

⁽²⁾ Seachas Camarún.

⁽³⁾ An Albáin, Andóra, an Airméin, an Asarbaiseáin, an Bhealarúis, an Bhoisnia agus an Heirseagaivéin, na hOileáin Chanáracha, Oileáin Fharó, an tSeoirsia, an Íoslainn, Lichtinstéin, an Mholdóiv, Monacó, Montainéagró, an Mhacadóin Thuaidh, an Iorua, an Rúis (na codanna seo a leanas amháin: an Ceantar Cónaidhmeach Lárnach (Tsentralny federalny okrug), an Ceantar Cónaidhmeach Thiar Thuaidh (Severo-Zapadny federalny okrug), an Ceantar Cónaidhmeach Theas (Yuzhny federalny okrug), Ceantar Cónaidhmeach Chugais Thuaidh (Severo-Kavkazsky federalny okrug) agus Ceantar Cónaidhmeach Volga (Privolzhsky federalny okrug)), San Mairíne, an tSeirbia, an Tuirc, an Úcráin agus an Ríocht Aontaithe.

⁽⁴⁾ Seachas an Tuirc.

⁽⁵⁾ Rialachán Cur Chun Feidhme (AE) 2019/2072 ón gCoimisiún an 28 Samhain 2019 lena mbunaítear coinníollacha aonfhoirmeacha maidir le cur chun feidhme Rialachán (AE) 2016/2031 ó Pharlaimint na hEorpa agus ón gComhairle, a mhéid a bhaineann le bearta cosanta i gcoinne lotnaidí plandaí, agus lena n-aisghairtear Rialachán (CE) Uimh. 690/2008 ón gCoimisiún agus lena leasaítear Rialachán Cur Chun Feidhme (AE) 2018/2019 ón gCoimisiún, Iarscríbhinn VII, pointe 12 (IO L 319, 10.12.2019, lch. 103; ELI: http://data.europa.eu/eli/reg_impl/2019/2072/oj).

⁽⁶⁾ Gan *Curcuma longa* agus *Zingiber officinale* ó Pheiriú, agus *Curcuma longa* ón Téalainn a áireamh.”